

SLUŽBENI GLASNIK OPĆINE BREZA

Godina III Broj: 2

Breza, 29.03.2001.godine

Na osnovu člana 68.b. Zakona o građevinskom zemljištu ("Službeni list SRBiH", broj 34/86, 1/90, 19/90, i ("Službeni list RBiH" broj 3/93 i 13/94) i člana 27. i 47. Statuta Općine Breza ("Službeni glasnik Općine Breza", broj 1/99, 4/99 i 7/99), Općinsko vijeće Breza na sjednici održanoj dana 22.03.2001. godine, d o n o s i

O D L U K U

o utvrđivanju prosječne konačne građevinske cijene 1 m2 korisne stambene površine u državnoj svojini na području Općine Breza

Član 1.

Ovom Odlukom utvrđuje se prosječna konačna građevinska cijena m2 korisne stambene površine u državnoj svojini na području Općine Breza u 2001. godini, u iznosu od 600,00 KM.

Član 2.

Prosječna konačna građevinska cijena iz prethodnog člana valorizovat će se u toku godine svaka tri mjeseca na osnovu indeksa rasta cijena građevinskih radova u visokogradnji i niskogradnji po sumarnoj metodologiji i podacima koje objavljuje Zavod za statistiku.

Član 3.

Danom stupanja na snagu ove Odluke prestaje da važi Odluka o utvrđivanju prosječne konačne građevinske cijene m2 korisne stambene površine na području Općine Breza broj: 01/1-02-445/00 od 30.03.2000.godine.

Član 4.

Ova Odluka stupa na snagu osmog dana od dana objavljivanja u "Službenom glasniku Općine Breza".

Broj: 01/1-02-532/01
Breza, 22.03.2001. godine

PREDSJEDAVAJUĆI
Općinskog vijeća
Jakub Dinarević, s.r.

Na osnovu člana 3. stav 2. Zakona o naknadama za korištenje podataka i vršenje usluga u oblasti premjera i katastra nekretnina ("Službeni list SRBiH", broj 35/85, 38/85, 12/87 i ("Službeni list RBiH", broj 4/93, 21/93 i 13/94), i člana 27. i 47. Statuta općine Breza ("Službeni glasnik Općine Breza", broj 1/99, 4/99 i 7/99), Općinsko vijeće Breza na sjednici održanoj dana 22.03.2001. godine, d o n o s i

O D L U K U

o izmjenama i dopunama Odluke o naknadama za korištenje podataka i vršenje usluga u oblasti premjera i katastra nekretnina

Član 1.

U Odluci o naknadama za korištenje podataka i vršenje usluga u oblasti premjera i katastra nekretnina ("Međuopštinski službeni glasnik Sarajevo", broj 17/87) Odluci o izmjeni Odluke o naknadama za korištenje podataka i vršenja usluga u oblasti premjera i katastra nekretnina ("Međuopštinski službeni glasnik Sarajevo", broj 8/89), Odluci o izmjeni Odluke o naknadama za korištenje podataka i vršenja usluga u oblasti premjera i katastra nekretnina broj: 01/1-023-404/93 od 15.07.1993. i Odluke o izmjenama i dopunama Odluke o naknadama za korištenje podataka i vršenje usluga u oblasti premjera i katastra nekretnina broj: 01/1-023-265/97 od 06.01.1997.godine, mijenja se Općinska tarifa naknada za korištenje podataka i vršenje usluga u oblasti premjera i katastra nekretnina koja je sastavni dio ove Odluke.

Član 2.

U članu 2. Odluke o izmjeni i dopuni Odluke o naknadama za korištenje podataka i vršenje usluga u oblasti premjera i katastra nekretnina broj: 01/1-023-265/97 od 06.01.1997. godine riječ - "Sekretarijat", zamjenjuje se sa riječi "Službe".

Član 3.

U članu 4. Odluke o izmjenama i dopunama odluke o naknadama za korištenje podataka i vršenje usluga u oblasti premjera i katastra nekretnina, broj: 01/1-023-265/97 od 06.01.1997. godine riječ "Oružane snage Republike Bosne i Hercegovine" zamjenjuje se riječima "Vojska Federacije BiH", a riječ "Preduzeća" zamjenjuje se riječima "Privredna društva i Javna preduzeća".

Član 4.

Ova Odluka stupa na snagu osmog dana od dana objavljivanja u "Službenom glasniku Općine Breza".

Broj: 01/1-02-533/01
Breza, 22.03.2001. godine

PREDSJEDAVAJUĆI
Općinskog vijeća
Jakub Dinarević, s.r.

OPŠTINSKA TARIFA

**naknada za korištenje podataka premjera i katastra
zemljišta i vršenje usluga**

N A Z I V	PLAĆA SE NAKNADA ZA IZVRŠENE USLUGE
1.	2.

1. GEODETSKA OSNOVATar.br.1.

Za podatke poligonske i gradske
poligometrijske linijske mreže po tač.....

10,00 KM

NAPOMENA: uz tar.br.1.

Naknada se odnosi na tačku bez obzira
na to da li sadrži samo koordinate,
visinu, položaj, opis ili sve podatke.

2. KOPIJA KATASTRA I PLANOVATar.br.2.

a) kopiranje detalja sa planova naknada
se plaća po broju poena i to:

1. do 10 poena.....

5,00 KM

2. za svaki dalji poen preko 10 poena

b) za kopiranje detalja sa starih

planova naknada se povećava za 50%

- | | |
|--------------------------------------------------------------------------------------------------------------------------------------------------------------------------------------------------------------------------|----------|
| c) za kopiju detalja sa planova kada se radi o većim objektima i parcelama za koje nije moguće primjeniti način obračunavanja naknade, naknada za usluge se obračunava prema potrebnom vremenu za kopiranje po satu..... | 10,00 KM |
| d) za podatke o posjedniku, kulturi, klasi i površini..... | 10,00 KM |
| e) ako su kopije planova izrađene u smislu tačke a) ovog tar.br. dalje umnožavanje bilo kojom tehnikom na neprovidnom papiru formata A-4.. | 10,00 KM |
| f) za kopiranje detalja karte naknada se plaća na način predviđen za kopiranje detalja sa planova. | |

NAPOMENA: uz tar.br.2.

1. Pod brojem poena podrazumjeva se broj poena prema kojem se plaća naknada za korištenje podataka premjera (republička tarifa naknada za korištenje podataka premjera i katastra zemljišta).
2. Naknada po tački a) pod 1. i 2. računa se odvojeno za svaki lokalitet
3. Kada se kopira visinska predstava terena naknada se povećava za 100%
4. Nezatvorena parcela smatra se kao zatvorena
5. Pod poenom iz tačke c) podrazumijeva se svaki horizontalni red (stavka) na kopiji plana

3. PREPISI I IZVODI IZ POSJEDOVNIH LISTOVA I DRUGIH DIJELOVA KATASTARSKOG OPERATA

Tar.br.3.

- | | |
|-------------------------------------------------------------------------------------------------------------------------------|----------|
| a) Za prepis posjedovnog lista ili njegovog izvoda 1. do 10 stavki
2. za svaku dalju stavku..... | 5,00 KM |
| b) za prepis posjedovnog lista ili njegovog izvoda iz katastarskog operata koji nije na snazi naknada se povećava za 50%..... | 10,00 KM |

NAPOMENA: Uz tar.br.3.

1. Naknada po tački a) ovog tar.broja plaća se i za uvjerenje koje izdaju

opštinski organi za geodetske
poslove ako one sadrže detaljne
podatke o pojedinim parcelama

2. Pod stavkom iz tačke a) ovog tar.
broja podrazumijeva se svaka
prepisana horizontalna rubrika
iz bilo kojeg dijela katastarskog operata

4. PREPISI ILI KOPIRANJE PODATAKA IZ TERENSKIH ELABORATA PREMjera

Tar.br.4.

- | | |
|------------------------------------------------------------------------------------------------------------------------------------|---------|
| 1. Za prepis ili kopiju bilo kojih tehničkih
zapisnika mjerenja i snimanja od
stranica originala..... | 5,00 KM |
| 2. Za kopiranje rukom detalja skica
manuela i fotokopija ili za dopunjavanje
kopije planova podacima snimanja
po dm2..... | 5,00 KM |

NAPOMENA: uz taf.br.4.

1. Ako se prepisuju ili kopiraju zapisnici
i mjerenja ili računanja ili drugi pregledi
koji sadrže koordinate ili položajne
opise tačke, plaća se pored takse po
tač.1. naknada po tar.br.1. ove tarife,
odnosno po tar.br. 1. tarife naknada
za korištenje podataka premjera i
katastra zemljišta

5. PREPISIVANJE, KOPIRANJE I FOTOKOPIRANJE

Tar.br.5.

- | | |
|----------------------------------------------------------------------------------------------------------------------------------------------------|---------|
| 1. Za kopiranje i prepisivanje podataka
premjera i katastra zemljišta koji
nisu obuhvaćeni tar.br.11 do 4. po
jednom efektivnom satu..... | 5,00 KM |
| 2. Za fotokopiranje po snimku | |

6. CIJEPAVANJE PARCELA I PROMJENA KULTURE

Tar.br.6.

- | | |
|-----------------------------------------------------------------------------------------------------------|----------|
| 1. Cijepanje parcela sa izradom
prijava listova i provođenjem
promjena kroz katastarski operat..... | 30,00 KM |
| 1. za svaku narednu parcelu..... | 10,00 KM |

7. PROVOĐENJE PREMjera U KATASTARSKOM OPERATU

Tar.br.7.

- | | |
|-----------------------------------------------------------------------------------------------------------------------------------|----------|
| Za promjenu kulture na cijeloj parceli,
promjena kulture uz istovremeno
cijepanje parcela obračunava se po
Tar.br.6..... | 30,00 KM |
|-----------------------------------------------------------------------------------------------------------------------------------|----------|

Tar.br.8.

- | | |
|-----------------------------------------------------------------------------------------------------------------------------------|----------|
| 1. Za promjenu podataka i posjednika
u starom ili novom posjedovnom
listu po posjedniku..... | 10,00 KM |
| 2. Za prenos cijelih parcela iz jednog
u drugi posjedovni list po stavci..... | 10,00 KM |
| 3. Provođenje ugovora kroz kat.operat.
NAPOMENA: Pod stavkom se
podrazumijeva svaki horizontalni
red u posjedovnom listu | 20,00 KM |

8. VJEŠTAČENJE

Rad geodetskih stručnjaka na
vještačenju po pozivu pravosudnih
privrednih i drugih organizacija

Tar.br.9.

- | | |
|------------------------------------------------------------------------------------------------------------------------------------------------|----------|
| 1. Za angažovanje geodetskih
stručnjaka na vještačenju u
upravnom i pravosnažnom
postupku za svaki sat stručnjaka
- na terenu..... | 20,00 KM |
| - u kancelariji..... | 10,00 KM |

NAPOMENA:

Navedeni troškovi se ne odnose na
zaradu vještaka kao i njegove putne
troškove koji mu pripadaju u parničnom
postupku.

2. Ako je nužno kod vještačenja
angažovati figuranta njegova
se naknada posebno obračunava
prema mjesnim cijenama
3. Kada se kod vještačenja istovremeno
vrši cijepanje parcela pored naknade
iz tar.br.9 naplaćuje se i naknada
iz tar.br.6.
4. Kada kod vještačenja nije potreban
premjer ali je na osnovu rješenja
suda potrebno provesti promjene
u katastarskom operatu, pored
naknade iz tar.br.9. plaća se i
naknada iz tar.br.8.

8. USLOVNO CIJEPANJE PARCELATar.br.10.

- | | |
|---------------------------------------------------------------------------------------------------------------------------------------------------------------------------------------------------------------------------------------------------------------------------------------------------|----------|
| 1. Snimanje terena za uslovne diobe
kartiranje izvlačenja u olovci i tušu,
računanje uslovnih površina, prenos
projektovanih parcela na teren,
ponovno snimanje, kartiranje, računanje
površina sa izradom prijavnih listova
i provođenjem promjene kroz katast.
operat..... | 60,00 KM |
|---------------------------------------------------------------------------------------------------------------------------------------------------------------------------------------------------------------------------------------------------------------------------------------------------|----------|

Kad stranaka ne zahtjeva provođenje
parcelacije u katastarskom operatu
plaća se naknada 50% od naknade
tar.br.10.....

30,00 KM

2. U naknadu nije uračunata radna snaga
i materijal za omeđivanje koje je stranka
dužna obezbjediti

9. PRENOS PROJEKTA SA PLANA NA TEREN

Tar.br.11.

Za prenos projektovanih parcela i
Objekata sa plana na teren

1. po tački detalja

10,00 KM

NAPOMENA:

1. U naknadu nije uračunata radna
snaga figuranta niti materijal za
omeđivanje koje je stranka dužna
obezbjediti

10. SNIMANJE SITUACIJE U SVRHU PROJEKTOVANJA

Tar.br.12.

1. Snimanje situacije (horizontalne
i vertikalne predstave) kartiranje
detalja sa interpolovanjem izohipsa,
izvlačenje detalja i izohipsa, sve na
kvalitetnoj podlozi - hameru bez
posjedovnog stanja (po hektaru)
R=1:1000.....
R=2500.....

300,00 KM

200,00 KM

2. Kada se snima i posjedovno stanje,
naknada se povećava za 25%

3. Snimanje većih površina (preko
10 ha) obračunava se po radnim
normama za geodetske radove
izdanje (G.U.-e iz 1962.godine)

4. Naknada za ukopavanje, opažanje
i računanje mreže obračunava se
posebno po radnim normama za
geodetske radove (Savezna
geodetska uprava 1962.godine)
po norma času

- terenski radovi 3.....

10,00 KM/h

- kancelarijski radovi.....

5,00 KM/h

11. SNIMANJE ZEMLJIŠTA RADI PROVJERAVANJA POSJEDA

Tar.br.13

1. Snimanje parcela radi provjeravanja
površina kartiranje i računanje
površina po obnovljenoj parceli.....

50,00 KM

Član 1.

U članu 1. Odluke o određivanju prostora za kulturne i informativne sadržaje ("Službeni glasnik Općine Breza", broj 3/99), riječ "cijelokupan", zamjenjuje se sa riječi "dio".

Član 2.

Prestaje primjena tačke 4. i 6. člana 1. Odluke o određivanju prostora za kulturne i informativne sadržaje.

Član 3.

Ova Odluka stupa na snagu danom objavljivanja u ("Službenom glasniku Općine Breza".

Broj: 01/1-02-534/01
Breza, 22.03.2001. godine

PREDSJEDAVAJUĆI
Općinskog vijeća
Jakub Dinarević, s.r.

Na osnovu člana 91. Statuta Općine Breza ("Službeni glasnik Općine Breza", broj 1/99, 4/99 i 7/99), te člana 1. Odluke o određivanju prostora za kulturne i informativne sadržaje ("Službeni glasnik Općine Breza", broj 3/99), Općinsko vijeće Breza na sjednici održanoj dana 22.03.2001. godine, d o n o s i

RJEŠENJE

1. DAJE SE, u zakup Javnom preduzeću "Radio-Brezi" neposredno, dio Kulturnog centra Breza, sagrađenog na k.č. 686/3 k.o. Smrekovica (s.p.), što odgovara k.č. 771 k.o. Breza (n.p.) u površini od 68 m2.

2. Način korištenja nepokretne imovine općine date u zakup i obaveze korisnika te imovine utvrdit će se ugovorom koga će u ime općine zaključiti Općinski načelnik.

O b r a z l o ž e n j e

Općinsko vijeće Breza, na sjednici održanoj 27. maja 1999. godine, donijelo je Odluku o određivanju prostora za kulturne i informativne sadržaje, kojom se dio Kulturnog centra određuje i kao prostor za Javno preduzeće "Radio-Brezu".

U provedbenom postupku, utvrđeno je da je dio Kulturnog centra sagrađen na k.č. 686/3 k.o. Smrekovica (s.p.), što odgovara k.č. 771 k.o. Breza (n.p.), društvena svojina, te da je "Radio-Brezi" za obavljanje osnovne djelatnosti potrebno 68 m2 (prostor na tlocrtu objekta označen kao PR-1 /P1, P-2 i P-3).

Shodno članu 92. Statuta općine Breza nepokretnosti u vlasništvu općine mogu se izuzetno davati u zakup, neposredno, pa shodno tome, Općinsko vijeće Breza i dodjeljuje JP "Radio-Brezi" poslovni prostor bez raspisivanja oglasa.

Na osnovu naprijed izloženog, riješeno je kao u dispozitivu rješenja.

Protiv ovog rješenja ne može se izjaviti žalba, ali se može pokrenuti upravni spor kod Kantonalnog suda Zenica u roku od 30 dana od dana dostavljanja rješenja.

Ovo rješenje će se objaviti u "Službenom glasniku Općine Breza".

Broj: 01/1-02-535/01
Breza, 22.03.2001. godine

PREDSJEDAVAJUĆI
Općinskog vijeća
Jakub Dinarević.s.r.

Na osnovu člana 91. Statuta Općine Breza ("Službeni glasnik Općine Breza", broj 1/99, 4/99 i 7/99), te člana 1. Odluke o određivanju prostora za kulturne i informativne sadržaje ("Službeni glasnik Općine Breza", broj 3/99), Općinsko vijeće Breza na sjednici održanoj dana 22.03.2001. godine, d o n o s i

RJEŠENJE

1. DAJE SE, Javnoj ustanovi Opća biblioteka "Muhamed Kantardžić" iz Breze, neposredno na privremeno korištenje dio Kulturnog centra Breza, koji se nalazi na k.č. 686/13 k.o. Smrekovica (s.p.), što odgovara k.č. 771/2 k.o. Breza (n.p.) u površini od 222 m2.

2. Način korištenja nepokretne imovine općine date u zakup i obaveze korisnika te imovine utvrdit će se ugovorom koga će u ime općine zaključiti Općinski načelnik.

O b r a z l o ž e n j e

Općinsko vijeće Breza, na sjednici održanoj 27. maja 1999. godine, donijelo je Odluku o određivanju prostora za kulturne i informativne sadržaje, kojom se dio Kulturnog centra određuje i za prostor JU Opća biblioteka "Muhamed Kantardžić" Breza.

U provedbenom postupku, utvrđeno je da je dio Kulturnog centra sagrađen na k.č. 686/13 k.o. Smrekovica (s.p.), što odgovara k.č. 771/2 k.o. Breza (n.p.), društvena svojina, te da je Općoj biblioteci za obavljanje djelatnosti potrebno 222 m².

Shodno članu 92. Statuta općine Breza nepokretnosti u vlasništvu općine mogu se izuzetno davati u zakup, pa shodno tome općina kao osnivač JU Opća biblioteka dio Kulturnog centra i dodjeljuje JU Općoj biblioteci bez raspisivanja oglasa.

JU Opća biblioteka u skladu sa članom 1. Uredbe sa zakonskom snagom o ustanovama ("Službeni list RbiH", broj 6/92, 8/93 i 13/94), osnovana je za obavljanje djelatnosti obrazovanja, nauke i kulture i ista stiče sredstva za rad iz sredstava osnivača.

Na osnovu naprijed izloženog, riješeno je kao u dispozitivu rješenja.

Protiv ovog rješenja ne može se izjaviti žalba, ali se može pokrenuti upravni spor kod Kantonalnog suda Zenica u roku od 30 dana od dana dostavljanja rješenja.

Ovo rješenje će se objaviti u "Službenom glasniku Općine Breza".

Broj: 01/1-02-538/01
Breza, 22.03.2001. godine

PREDSJEDAVAJUĆI
Općinskog vijeća
Jakub Dinarević.s.r.

Na osnovu člana 91. Statuta Općine Breza ("Službeni glasnik Općine Breza", broj 1/99, 4/99 i 7/99), te člana 1. Odluke o određivanju prostora za kulturne i informativne sadržaje ("Službeni glasnik Općine Breza", broj 3/99), Općinsko vijeće Breza na sjednici održanoj dana 22.03.2001. godine, d o n o s i

RJEŠENJE

1. DAJE SE, u zakup Kulturnom društvu Hrvata "Napredak" - Podružnica Breza, neposredno dio Kulturnog centra Breza, koji se nalazi na k.č. 686/3 k.o. Smrekovica (s.p.), što odgovara k.č. 771 k.o. Breza (n.p.), u površini od 36,56 m².

2. Način korištenja nepokretne imovine općine date u zakup i obaveze korisnika te imovine utvrdit će se ugovorom koga će u ime općine zaključiti Općinski načelnik.

O b r a z l o ž e n j e

Općinsko vijeće Breza, na sjednici održanoj 27. maja 1999. godine, donijelo je Odluku o određivanju prostora za kulturne i informativne sadržaje, kojom se dio Kulturnog centra određuje i kao prostor za Kulturno društvo Hrvata "Napredak" - Podružnica Breza.

U provedbenom postupku, utvrđeno je da je dio Kulturnog centra sagrađen na k.č. 686/3 k.o. Smrekovica (s.p.), što odgovara k.č. 771 k.o. Breza (n.p.), društvena svojina, te da je Kulturnom društvu Hrvata "Napredak" - Podružnica Breza potrebno 36,56 m2 (na tlocrtu objekta prostorije označene kao PR-3 /P-8 i 0-3).

Shodno članu 92. Statuta općine Breza nepokretnosti u vlasništvu općine mogu se izuzetno davati u zakup, pa shodno tome, Općinsko vijeće Breza i dodjeljuje Kulturnom društvu hrvata "Napredak" - Podružnica Breza prostor bez raspisivanja oglasa.

Na osnovu naprijed izloženog, riješeno je kao u dispozitivu rješenja.

Protiv ovog rješenja ne može se izjaviti žalba, ali se može pokrenuti upravni spor kod Kantonalnog suda Zenica u roku od 30 dana od dana dostavljanja rješenja.

Ovo rješenje će se objaviti u "Službenom glasniku Općine Breza".

Broj: 01/1-02-537/01
Breza, 22.03.2001. godine

PREDSJEDAVAJUĆI
Općinskog vijeća
Jakub Dinarević, s.r.

Na osnovu člana 91. Statuta Općine Breza ("Službeni glasnik Općine Breza", broj 1/99, 4/99 i 7/99), te člana 1. Odluke o određivanju prostora za kulturne i informativne sadržaje ("Službeni glasnik Općine Breza", broj 3/99), Općinsko vijeće Breza na sjednici održanoj dana 22.03.2001. godine, d o n o s i

RJEŠENJE

1. DAJE SE, u zakup Općinskom kulturnom društvu Bošnjaka "Preporod" iz Breze, neposredno dio Kulturnog centra Breza, koji se nalazi na k.č. 686/3 k.o. Smrekovica (s.p.), što odgovara k.č. 771 k.o. Breza (n.p.), u površini od 43,90 m².
2. Način korištenja nepokretne imovine općine date u zakup i obaveze korisnika te imovine utvrdit će se ugovorom koga će u ime općine zaključiti Općinski načelnik.

O b r a z l o ž e n j e

Općinsko vijeće Breza, na sjednici održanoj 27. maja 1999. godine, donijelo je Odluku o određivanju prostora za kulturne i informativne sadržaje, kojom se dio Kulturnog centra određuje i kao prostor za Općinsko kulturno društvo Bošnjačka "Preporod" iz Breze.

U provedbenom postupku, utvrđeno je da je dio Kulturnog centra sagrađen na k.č. 686/3 k.o. Smrekovica (s.p.), što odgovara k.č. 771 k.o. Breza (n.p.), društvena svojina, te da je Općinskom kulturnom društvu Bošnjaka "Preporod" iz Breze potrebno 43,90 m² (na tlocrtu objekta prostorije označene kao P-6, P-7, O-1, WC-1).

Shodno članu 92. Statuta općine Breza nepokretnosti u vlasništvu općine mogu se davati na neposredan način, pa shodno tome Općinsko vijeće Breza i dodjeljuje Općinskom kulturnom društvu Bošnjaka "Preporod" prostor bez raspisivanja oglasa.

Na osnovu naprijed izloženog, riješeno je kao u dispozitivu rješenja.

Protiv ovog rješenja ne može se izjaviti žalba, ali se može pokrenuti upravni spor kod Kantonalnog suda Zenica u roku od 30 dana od dana dostavljanja rješenja.

Ovo rješenje će se objaviti u "Službenom glasniku Općine Breza".

Broj: 01/1-02-536/01
Breza, 22.03.2001. godine

PREDSJEDAVAJUĆI
Općinskog vijeća
Jakub Dinarević s.r.

Na osnovu člana 15. Zakona o eksproprijaciji ("Službeni list SRBiH", broj 12/87 i 38/89) i ("Službeni list R BiH", broj 15/94), člana 27. i 47. Statuta Općine Breza ("Službeni glasnik Općine Breza", broj 1/99, 4/99 i 7/99), Općinsko vijeće Breza na sjednici održanoj dana 22.03.2001. godine, donosi

RJEŠENJE

UTVRĐUJE SE - da je od općeg interesa izgradnja DV 10 KV Sutješko polje- Dabravine, te da se u tu svrhu može pristupiti nepotpunoj eksproprijaciji, odnosno ustanovljavanju prava služnosti u korist J.P. "Elektroprivreda BiH", sa potpunom odgovornošću "Elektrodistribucija" Zenica - Poslovnica Breza, na slijedećim nekretninama označenim kao:

- k.č. 568/3 zv. oranica "Vino", upisano u zk.ul.br. 665 k.o. Smrekovica (s.p.), suvlasništvo Rožajac Uzeira sina Vejsila i ostalih, što odgovara k.č. 207/1 k.o. Sutješčica (n.p.), posjednika Rožajac Uzeira sina Vejsila iz Breze,
- k.č. 568/5 zv. oranica "Stankovo brce" upisana u zk.ul.br. 1152 k.o. Smrekovica (s.p.), suvlasništvo Rožajac Hajrudina sina Uzeira i ostalih, što odgovara k.č. 207/2 k.o. Sutješčica (n.p.), posjednika Rožajac Uzeira, sina Vejsila iz Breze,
- k.č. 577/1 zv. oranica "Stankovo brce" upisana u zk.ul.br. 1237 k.o. Smrekovica (s.p.), vlasništvo Lakić Mila sina Mladena sa 1/1, što odgovara k.č. 206/1 k.o. Sutješčica posjednika Lakić Neđe sina Mladena,
- k.č. 577/1 zv. oranica "Stankovo brce" upisana u zk.ul.br. 1531 k.o. Smrekovica (s.p.), suvlasništvo Okilj Vljake sina Borivoja i ostalih, što odgovara k.č. 206/1 k.o. Sutješčica (n.p.), posjednika Lakić Neđe sina Mladena,
- k.č. 572 zv. oranica "Zagajnica" upisana u zk.ul.br. 440 k.o. Smrekovica (s.p.), suvlasništvo Hasečić Osmana sina Arifa i ostalih, što odgovara k.č. 205 k.o. Sutješčica (n.p.) posjednika Tatar Hasiije kćeri Muje,
- k.č.br. 568/1 zv. "Stankovo brce" upisana u zk.ul.br. 308 k.o. Smrekovica (s.p.) suvlasništvo Omerhodžić Fuada sina Osmana i ostalih, što odgovara k.č.br. 575, 576, i 574 k.o. Sutješčica (n.p.) posjednika Omerhodžić Fuada sina Osmana,
- k.č. 562/2 zv. oranica "Zamjene" upisana u zk.ul.br. 564 k.o. Smrekovica (s.p.) suvlasništvo Musabašić Harisa i Murisa sinova Alije, što odgovara k.č. 573 k.o. Sutješčica (n.p.), posjednika Musabašić Alije sina Smaje,
- k.č.br. 570/5 zv. pašnjak "Strana" upisana u zk.ul.br. 563 k.o. Smrekovica (s.p.), suvlasništvo Nalić Asima i ostalih, što odgovara k.č. 569 i 568 k.o. Sutješčica (n.p.), posjednika Šabanović Abdulaha sina Avdije,
- k.č.br. 570/4 zv. pašnjak "Strana" upisana u zk.ul.br. 945 k.o. Smrekovica (s.p.), suvlasništvo Šabanović Abdulaha i ostalih, što odgovara k.č. 562/1 i 561/1 k.o. Sutješčica (n.p.), posjednika Šabanović Esada sina Avdije,

k.č. 302/1 zv. oranica "Rakovac" upisana u zk.ul.br. 334 k.o. Smrekovica (s.p.), suvlasništvo Hajlovac Hilme sina Safeta i ostalih, što odgovara k.č.br. 540 i 541 k.o. Sutješčica posjednika Šabanović Muhameda sina Ibrahima,

- k.č.br. 954 zv. oranica "Lavišće" upisana u zk.ul.br. 334 k.o. Smrekovica (s.p.), suvlasništvo Hajlovac Hilme sina Safeta i ostalih, što odgovara k.č. 768 k.o. Slivno (n.p.), posjednika Šabanović Abdulaha sina Avdije,

- k.č.br. 932/49 zv. šuma "Koščani" upisana u zk.ul.br. 23 k.o. Smrekovica (s.p.) opštenarodna imovina, što odgovara k.č.br. 538 k.o. Sutješčica (n.p.), posjednika društvena svojina GKP "Sretno", k.č. 537 k.o. Sutješčica (n.p.), posjednika Šabanović Muhameda sina Ibrahima, k.č. 767 k.o. Slivno (n.p.), i k.č. 471 k.o. Vardište (n.p.), posjednika društvena svojina "Šipad" Jahorina,

- k.č.br. 949 zv. oranica "Selišće" upisana u zk.ul.br. 166 k.o. Smrekovica (s.p.), suvlasništvo Nedić Branka sina Maksima i ostalih, što odgovara k.č.br. 509 k.o. Slivno (n.p.), posjednika Nedić Ilije sina Bogdana,

- k.č. br. 942 zv. oranica "Luka pod pećinom" upisana u zk.ul.br. 166 k.o. Smrekovica (s.p.), suvlasništvo Nedić Branka sina Maksima i ostalih, što odgovara k.č. 891 k.o. Vardište (n.p.), posjednika Nedić Vitomira sina Cvjetka, k.č. 892 i 896 k.o. Vardište (n.p.), posjednika Nedić Ilije sina Bogdana i k.č. 894 i 895 k.o. Vardište (n.p.), posjednika Nedić Vladimira sina Cvjetka,

- k.č.br. 950 zv. "Pašnjak" upisana u zk.ul.br. 166 k.o. Smrekovica (s.p.), suvlasništvo Nedić Cvjetka pok. Bogdana i ostalih što odgovara k.č.br. 508 k.o. Slivno (n.p.), posjednika Bisić Nezira sina Nezira,

- k.č.br. 2215/1 zv. oranica "Luka" upisana u zk.ul.br. 472 k.o. Trtorići (s.p.), suvlasništvo Nedić Jove sina Bogdana i ostalih, što odgovara k.č. 765 k.o. Trtorići (n.p.), posjednika Nedić Jove sina Bogdana i k.č. 763 k.o. Trtorići (n.p.), posjednika Nedić Ilije sina Bogdana,

- k.č.br. 307 rijeka "Stavnja" upisana u iskaz I k.o. Smrekovica (s.p.), javno dobro što odgovara k.č. 907 zv. "Rijeka" k.o. Vardište (n.p.),

- k.č.br. 2159/22 zv. oranica "Grozđ" upisana u zk.ul.br. 556 k.o. Trtorići (s.p.) vlasništvo Ristić Neđe sina Jove, što odgovara k.č. 756 k.o. Slivno (n.p.), posjednika Isaković Gine kćeri Danila,

- k.č.br. 2159/1 zv. šuma "Grozđ" upisana u zk.ul.br. 170 k.o. Trtorići (s.p.), opštenarodna imovina, što odgovara k.č.br. 769 k.o. Slivno (n.p.), posjednika društvena svojina "Šipad" Jahorina.

O b r a z l o ž e n j e

J.P. "Elektroprivreda" BiH - "Elektrodistribucija" Zenica - Poslovnica Breza, obratilo se Općinskom vijeću Breza putem Službe za prostorno uređenje, zaštitu okolice, geodetske i imovinsko-pravne poslove prijedlogom za utvrđivanje općeg interesa za izgradnju DV 10 KV Sutješko polje - Dabravine.

Razmatrajući prijedlog Općinsko vijeće je utvrdilo da je od općeg interesa izgradnja DV 10 KV Sutješko polje - Dabravine.

Iz priloga dostavljenih uz prijedlog, utvrđeno je da je najpogodnije ustanovljavanje prava služnosti na predloženim mjestima.

Na osnovu izloženog, odlučeno je kao u dispozitivu.

Protiv ovog rješenja ne može se izjaviti žalba, niti pokrenuti upravni spor.

Ovo rješenje stupa na snagu narednog dana od dana objavljivanja u "Službenom glasniku Općine Breza".

Broj: 01/1-02-539/01
Breza, 22.03.2001. godine

PREDSJEDAVAJUĆI
Općinskog vijeća
Jakub Dinarević, s.r.

Na osnovu člana 15. Zakona o eksproprijaciji ("Službeni list SRBiH", broj 12/87, 33/89), i ("Službeni list RBiH", broj 15/94), i člana 27. i 47. Statuta Općine Breza ("Službeni glasnik Općine Breza", broj 1/99, 4/99 i 7/99), Općinsko vijeće Breza na sjednici održanoj dana 22.03.2001. godine, donosi

R J E Š E N J E

UTVRĐUJE SE da je od općeg interesa izgradnja betonske stubne trafo stanice (BSTS) na Gornjoj Brezi, te da se u tu svrhu može pristupiti nepotpunoj eksproprijaciji nepokretnosti, odnosno ustanovljavanju prava služnosti u korist J.P. "Elektroprivreda BiH", sa potpunom odgovornošću "Elektrodistribucija" Zenica - na nekretnini označenoj kao:

- k.č. 194/2 upisana u zk.ul.br. 2733 k.o. Breza (s.p.), državna svojina što odgovara k.č.br.1118/2 k.o. G.Breza (n.p.) u površini 56 m2.

O b r a z l o ž e n j e

J.P. "Elektroprivreda BiH", "Elektrodistribucija" Zenica obratilo se Općinskom vijeću Breza putem Službe za prostorno uređenje, zaštitu okolice, geodetske i imovinsko-pravne poslove prijedlogom za utvrđivanje općeg interesa za izgradnju BSTS na Gornjoj Brezi.

Razmatrajući prijedlog Općinsko vijeće Breza je utvrdilo da je od općeg interesa izgradnja BSTS na Gornjoj Brezi.

Iz priloga dostavljenih uz prijedlog utvrđeno je da je najpogodnija izgradnja na predloženom mjestu.

Nadalje, iz investiciono-tehničke dokumentacije i uže lokacije utvrđeno je da je potrebna navedena površina zemljišta.

Na osnovu izloženog, odlučeno je kao u dispozitivu.

Protiv ovog rješenja ne može se izjaviti žalba, niti pokrenuti upravni spor.

Ovo rješenje stupa na snagu narednog dana od dana objavljivanja u "Službenom glasniku Općine Breza".

Broj: 01/1-02-540/01
Breza, 22.03.2001. godine

PREDSJEDAVAJUĆI
Općinskog vijeća
Jakub Dinarević, s.r.

Na osnovu člana 25. Stav 1. Zakona o građevinskom zemljištu ("Sl.list SRBiH", broj 34/86, 1/90, 29/90 i ("Službeni list RBiH", broj 3/93 i 13/94) i člana 27. i 47. Statuta Općine Breza ("Službeni glasnik Općine Breza", broj 1/99, 4/99 i 7/99), Općinsko vijeće Breza na sjednici održanoj dana 22.03.2001. godine, d o n o s i

RJEŠENJE

1. PREUZIMA SE od RMU "Breza" d.o.o. Breza, a u svrhu uređenja za građenje neizgrađeno gradsko građevinsko zemljište, označeno kao:

- k.č. br. 654/78 zv. "Gradilište" upisano u zk.ul.br. 467 k.o. Smrekovica (s.p.), što odgovara k.č.br. 223 k.o. Breza (n.p.) u površini od 639 m².

2. Novčana naknada za preuzeto zemljište odredit će se u posebnom postupku određivanja naknade nakon pravosnažnosti ovog rješenja.

3. Zemljišno knjižni ured Općinskog suda u Visokom izvršit će uknjižbu prava raspolaganja sa dijelom 1/1 u korist Općine Breza, a izvršiti ispis ranijeg nosioca prava raspolaganja RMU "Breza" d.o.o. Breza.

O b r a z l o ž e n j e

Uvidom u prostornu plansku dokumentaciju utvrđeno je da parcela k.č. 223 k.o. Breza (n.p.) pada u granice urbanog područja Breza, uže urbano područje grada, i to u zonu rekonstrukcije koju treba urediti za gradnju (čl.11. "H" Odluke o provođenju urbanističkog plana grada "Međuopštinski službeni glasnik Sarajevo", broj 15/88).

Cijeneći činjenicu da je RMU Breza u Zemljišno-knjižnom uredu Općinskog suda Visoko upisan kao nosilac prava raspolaganja, održana je javna rasprava na licu mjesta dana 04.10.2000. godine uz učešće vještaka geometra i predstavnika RMU Breza.

Na licu mjesta izvršena je identifikacija i cijepanje zemljišta iz tačke 1. ovog rješenja, pa je broj k.č. 654/78 nasto od parcele 654/1 k.o. Smrekovica (s.p.).

Kako je Upravni odbor RMU "Breza" d.o.o. Breza donio Odluku broj: 01/1-47/00 dana 21.12.2000.godine kojom predmetno zemljište prenosi na Općinu Breza riješeno je kao u dispozitivu.

Novčana naknada će se shodno članu 44. Zakona o građevinskom zemljištu za preuzeto zemljište odrediti u posebnom postupku određivanja naknade nakon pravosnažnosti ovog rješenja.

Protiv ovog rješenja ne može se izjaviti žalba, ali se može pokrenuti upravni spor kod Kantonalnog suda u Zenici u roku od 30 dana od dana dostavljanja rješenja.

Ovo rješenje objavit će se u Službenom glasniku Općine Breza.

Broj: 01/1-02-541/01
Breza, 22.03.2001. godine

PREDSJEDAVAJUĆI
Općinskog vijeća
Jakub Dinarević, s.r.

Na osnovu člana 25. stav 1. Zakona o građevinskom zemljištu ("Službeni list R BiH", broj 34/86, 1/90, 29/90, i ("Službeni list R BiH", broj 3/93, 13/93 i 13/94), i člana 27. Statuta Općine Breza ("Službeni glasnik Općine Breza", broj 1/99, 4/99 i 7/99), Općinsko vijeće Breza na sjednici održanoj dana 22.03.2001. godine, d o n o s i

RJEŠENJE

I - PREUZIMA SE od RMU "Breza", d.o.o. Breza uz novčanu naknadu, a u svrhu privođenja trajnoj namjeni neizgrađeno gradsko građevinsko zemljište označeno kao:

- k.č.br. 700/60, k.o. Smrekovica (s.p.) što odgovara k.č.br. 665/3 k.o. Breza (n.p.) u površini od 740 m².

II - Zemljišno-knjižni ured Općinskog suda u Visokom izvršit će uknjižbu prava raspolaganja sa dijelom 1/1 u korist Općine Breza na zemljištu iz tačke 1. Rješenja, a ispis ranijeg organa upravljanja RMU "Breza" d.o.o. Breza.

O b r a z l o ž e n j e

Regulacionim planom "Centar" oko objekta Pošte u Brezi planirano je uređenje zemljišta koje podrazumjeva ucjevljenje potoka i zasađivanje aleje.

Iz tih razloga ova Služba je pokrenula postupak preuzimanja neizgrađenog gradskog rađevinskog zemljišta opisanog u tački 1. dispozitiva rješenja.

U provedbenom postupku predstavnik RMU "Breza" d.o.o. Breza dana 20.marta 2001. godine izjavio je da predmetno zemljište predaje Općini Breza uz naknadu.

Na licu mjesta vještak geometar je izvršio identifikaciju i cjepanje predmetnog zemljišta u skladu sa predviđenim potrebama uređenja zemljišta oko objekta. Takođe je izvršeno cijepanje parcele k.č. 700/1 upisane u zk.ul. 476 k.o. Smrekovica (s.p.), te je nova parcela dobila broj k.č. 700/60 k.o. Smrekovica (s.p.), što odgovara k.č. 665/3 k.o. Breza (n.p.).

Uvidom u zk.ul.br. 476 k.o. Smrekovica (s.p.), k.č. 700/1 zv. "Oranica Potkriž" vodi se kao opštenarodna imovina dok se RMU "Breza" d.o.o. Breza vodi kao organ upravljanja. U katastarskom operatu k.č. 665/2 k.o. Breza (n.p.) vodi se u posjedu SO-e Breza.

Shodno članu 44. stav 2. Zakona o građevinskom zemljištu ranijem korisniku pripada novčana naknada a ista će se odrediti u postupku određivanja naknade nakon pravosnažnosti rješenja.

Nakon pravosnažnosti rješenja naknada će se odrediti i isplatiti.

S obzirom na naprijed izloženo, odlučeno je kao u dispozitivu.

Protiv ovog rješenja ne može se izjaviti žalba, ali se može pokrenuti upravni spor kod Kantonalnog suda Zenica u roku od 30 dana od dana dostavljanja rješenja.

Ovo rješenje će se naknadno objaviti u "Službenm glasniku Općine Breza".

Broj: 01/1-02-546/01
Breza, 22.03.2001. godine

PREDSJEDAVAJUĆI
Općinskog vijeća
Jakub Dinarević, s.r.

Na osnovu člana 25. stav 1. Zakona o građevinskom zemljištu ("Službeni list SRBiH", broj: 34/86, 1/90, 29/90 i "Službeni list R BiH", broj 3/93 i 13/94) i člana 27. Statuta Općine Breza ("Službeni glasnik Općine Breza", broj 1/99, 4/99 i 7/99), Općinsko vijeće Breza na sjednici održanoj dana 22.03.2001. godine, donosi

RJEŠENJE

1. PREUZIMA SE od Rudnika mrkog uglja Breza D.O.O. Breza, uz novčanu naknadu, a u svrhu privođenja trajnoj namjeni, neizgrađeno gradsko građevinsko zemljište, označeno kao:

- k.č.br. 957/33, upisano u zk.ul.br. 476 k.o. Smrekovica (s.p.), što odgovara k.č.br. 763/21 k.o. Breza (n.p.) u površini od 25 m².

- k.č.br. 957/34, upisano u zk.ul.br. 476 k.o. Smrekovica (s.p.), što odgovara k.č.br. 763/22 k.o. Breza (n.p.) u površini od 25 m².

- k.č.br. 957/35, upisano u zk.ul.br. 476 k.o. Smrekovica (s.p.), što odgovara k.č.br. 767/2 k.o. Breza (n.p.) u površini od 25 m²,
- k.č.br. 957/36, upisano u zk.ul.br. 476 k.o. Smrekovica (s.p.), što odgovara k.č.br. 768/3 k.o. Breza (n.p.) u površini od 25 m²,
- k.č.br. 957/37, upisano u zk.ul.br. 476 k.o. Smrekovica (s.p.), što odgovara k.č.br. 768/4 k.o. Breza (n.p.) u površini od 25 m²,
- k.č.br. 957/38, upisano u zk.ul.br. 476 k.o. Smrekovica (s.p.), što odgovara k.č.br. 768/5 k.o. Breza (n.p.) u površini od 25 m²,
- k.č.br. 957/39, upisano u zk.ul.br. 476 k.o. Smrekovica (s.p.), što odgovara k.č.br. 768/6 k.o. Breza (n.p.), u površini od 25 m²,
- k.č.br. 957/40, upisano u zk.ul.br. 476 k.o. Smrekovica (s.p.), što odgovara k.č.br. 768/7 k.o. Breza (n.p.) u površini od 25 m²,
- k.č.br. 957/41, upisano u zk.ul.br. 476 k.o. Smrekovica (s.p.), što odgovara k.č.br. 763/23 k.o. Breza (n.p.) u površini od 14 m²,
- k.č.br. 957/42, upisano u zk.ul.br. 476 k.o. Smrekovica (s.p.), što odgovara k.č.br. 763/24 k.o. Breza (n.p.) u površini od 14 m²,
- k.č.br. 957/43, upisano u zk.ul.br. 476 k.o. Smrekovica (s.p.), što odgovara k.č.br. 763/25 k.o. Breza (n.p.) u površini od 19 m²,
- k.č.br. 957/44, upisano u zk.ul.br. 476 k.o. Smrekovica (s.p.), što odgovara k.č.br. 767/3 k.o. Breza (n.p.) u površini od 24 m²,
- k.č.br. 957/45, upisano u zk.ul.br. 476 k.o. Smrekovica (s.p.), što odgovara k.č.br. 767/4 k.o. Breza (n.p.) u površini od 52 m².
- k.č.br. 957/46, upisano u zk.ul.br. 476 k.o. Smrekovica (s.p.), što odgovara k.č.br. 767/5 k.o. Breza (n.p.) u površini od 30 m²,
- k.č.br. 957/47, upisano u zk.ul.br. 476 k.o. Smrekovica (s.p.), što odgovara k.č.br. 763/26 k.o. Breza (n.p.) u površini od 22 m²,
- k.č. br. 957/48, upisano u zk.ul.br. 476 k.o. Smrekovica (s.p.) što odgovara k.č. br. 763/27 k.o. Breza (n.p.) u površini od 14 m².

2. Zemljišno-knjižni ured Općinskog suda Visoko, izvršiće uknjižbu prava raspolaganja sa dijelom 1/1 u korist općine Breza na zemljištu iz tačke 1. rješenja, a ispis ranijeg pravnog korisnika Rudnika mrkog uglja Breza d.o.o. Breza.

O b r a z l o ž e n j e

Usvajanjem izmjena i dopuna Regulacionog plana Centar, pristupilo se preduzimanju određenih aktivnosti, usmjerenih na privođenju trajnoj namjeni predmetnog zemljišta, utvrđenog ovim Planom.

U provedenom postupku, održana je na licu mjesta usmena javna rasprava, dana 20.03.2001. godine uz učešće vještaka, geometra i stranaka - predstavnika Rudnika mrkog uglja Breza d.o.o. Breza i zastupnika Općine Breza.

Takođe na licu mjesta izvršena je identifikacija i cijepanje predmetnog zemljišta u skladu sa predviđenim potrebama izgradnje, u skladu sa izmjenama i dopunama Regulacionog plana Centar.

Po saslušanju predstavnika RMU Breza d.o.o. Breza, konstatovano je da korisnik Rudnik mrkog uglja Breza d.o.o. Breza predaje neizgrađeno gradsko građevinsko zemljište uz novčanu naknadu shodno članu 44. Zakona o građevinskom zemljištu.

Shodno članu 44. stav 2. Zakona o građevinskom zemljištu odlučeno je da raniji korisnik ima pravo na novčanu naknadu, a ista će se odrediti u posebnom postupku određivanja naknade, nakon pravomoćnosti ovog rješenja.

S obzirom na gore izloženo, riješeno je kao u dispozitivu rješenja.

Protiv ovog rješenja ne može se izjaviti žalba ali se može pokrenuti upravni spor kod Kantonalnog suda u Zenici u roku od 30 dana od dana dostavljanja rješenja.

Ovo Rješenje će se objaviti u "Službenom glasniku Općine Breza".

Broj: 01/1-02-547/01
Breza, 22.03.2001. godine

PREDSJEDAVAJUĆI
Općinskog vijeća
Jakub Dinarević s.r.

BOSNA I HERCEGOVINA
FEDERACIJA BOSNE I HERCEGOVINE
ZENIČKO - DOBOJSKI KANTON
OPĆINA BREZA
- Općinsko vijeće -

Broj: 01/1-02-527/01
Breza, 22.03.2001. godine

Na osnovu člana 22. tačka 4. Zakona o lokalnoj samoupravi ("Sl.novine ZE-DO kantona", broj 13/98) i člana 27. tačka 2. Statuta Općine Breza ("Službeni glasnik Općine Breza broj: 1/99, 4/99 i 7/99), Općinsko vijeće Breza na sjednici održanoj dana 22.03.2001. godine, d o n o s i

R J E Š E N J E
o razrješenju sekretara Općinskog vijeća Breza

1

AMIRA SMAILBEGOVIĆ kći **Zahida**, po zanimanju diplomirani pravnik, razrješava se funkcije sekretara Općinskog vijeća Breza, zbog imenovanja na drugu dužnost.

11

Imenovanoj prestaju sva prava i dužnosti u organu uprave počev od 28.02.2001. godine.

III

Rješenje stupa na snagu danom donošenja, a naknadno će se objaviti u "Službenom glasniku Općine Breza".

DOSTAVLJENO:
1x Amira Smailbegović,
1x Personalni dosije,
1x Općinski sud Breza,
1x Računovodstvo,
1x 01/1,
1x Arhiva.

PREDSJEDAVAJUĆI
Općinskog vijeća
Jakub Dinarević.s.r.

.....

BOSNA I HERCEGOVINA
FEDERACIJA BOSNE I HERCEGOVINE
ZENIČKO - DOBOJSKI KANTON
OPĆINA BREZA
- Općinsko vijeće -

Broj: 01/1-02-528/01
Breza, 22.03.2001. godine

Na osnovu člana 29. Statuta Općine Breza ("Službeni glasnik Općine Breza", broj: 1/99, 4/99 i 7/99), i člana 17. Uredbe o poslovima osnovnih djelatnosti i pomoćno-tehničkim poslovima i uvjetima za njihovo vršenje u organima uprave i službama za upravu u Federaciji BiH ("Sl. novine FBiH", broj 42/99), Općinsko vijeće Breza na sjednici održanoj dana 22.03.2001. godine, donosi

R J E Š E N J E

I

ZAHIROVIĆ SAFET, sin Ševke rođen 1960. godine, po zanimanju upravni pravnik, imenuje se za vršioca dužnosti sekretara Općinskog vijeća Breza.

II

Imenovanom pripadaju sva prava i obaveze sekretara Općinskog vijeća počev od 01.03.2001. godine.

III

Ovo Rješenje stupa na snagu danom donošenja, a naknadno će se objaviti u "Službenom glasniku Općine Breza".

DOSTAVLJENO:
1x Zahirović Safet,
1x Personalni dosije,
1x Računovodstvo,
1x 01/1,
1x Arhiva.

PREDSJEDAVAJUĆI
Općinskog vijeća
Jakub Dinarević, s.r.



BOSNA I HERCEGOVINA
FEDERACIJA BOSNE I HERCEGOVINE
ZENIČKO - DOBOJSKI KANTON
OPĆINA BREZA
- Općinsko vijeće -

Broj: 01/1-02-544/01
Breza, 22.03.2001. godine

Na osnovu člana 75. stav 1. Zakona o prekršajima ("Službene novine Zeničko-dobojskog kantona" broj: 10/98 i 10/99) i člana 27. tačka 2. Statuta Općine Breza ("Službeni glasnik Općine Breza", broj 1/99, 4/99 i 7/99), Općinsko vijeće Breza na sjednici održanoj dana 22.03.2001. godine, donosi

R J E Š E N J E

o razrješenju predsjednika sudije za prekršaje Općine Breza

I

MUSTAFA ŠABIĆ, sin Zihnije, po zanimanju diplomirani pravnik razrješava se dužnosti predsjednika sudije za prekršaje Općine Breza, zbog imenovanja na drugu dužnost.

11

Imenovanom prestaju sva prava i dužnosti radnika u organu uprave počev od 28.02.2001. godine.

III

Rješenje stupa na snagu danom donošenja, a naknadno će se objaviti u "Službenom glasniku Općine Breza".

DOSTAVLJENO:

1x Mustafa Šabić,
1x Personalni dosije,
1x Općinski sud Breza,
1x Računovodstvo,
1x 01/1,
1x Arhiva.

PREDSJEDAVAJUĆI

Općinskog vijeća

Jakub Dinarević,s.r.

BOSNA I HERCEGOVINA
FEDERACIJA BOSNE I HERCEGOVINE
ZENIČKO - DOBOJSKI KANTON
OPĆINA BREZA
- Općinsko vijeće -

Broj: 01/1-02-545/01

Breza, 22.03.2001. godine

Na osnovu člana 75. stav 1. Zakona o prekršajima ("Službene novine ZE-DO kantona" broj: 10/98 i 10/99) i člana 27. tačka 8. Statuta Općine Breza ("Službeni glasnik Općine Breza", broj 1/99, 4/99 i 7/99) i člana 8. Odluke o osnivanju Općinskog sudije za prekršaje, ("Službeni glasnik Općine Breza" broj 3/99), Općinsko vijeće Breza na sjednici održanoj dana 22.03.2001. godine, d o n o s i

RJEŠENJE

o imenovanju predsjednika općinskog sudije za prekršaje Općine Breza

1

IGBALA MUSTAFIĆ, kći Aziza rođena 1960. godine, po zanimanju diplomirani pravnik, imenuje se za predsjednika Općinskog sudi je za prekršaje Općine Breza. Imenovanj pripada plata utvrđena Zaključkom Općinskog vijeća Breza broj: 01/1-02-1692/00 od 26.10.2000. godine po koeficijentu 7,0.

11

Predsjednik općinskog sudi je za prekršaje imenuje se na 4 (četiri) godine.

III

Rješenje stupa na snagu danom donošenja, a naknadno će se objaviti u "Službenom glasniku Općine Breza".

DOSTAVLJENO:

1x Igbala Mustafić,
1x Personalni dosije,
1x Općinski sud za prekršaje,
1x Računovodstvo,
1x 01/1,
1x Arhiva.

PREDSJEDAVAJUĆI

Općinskog vijeća

Jakub Dinarević, s.r.

